

Lalampirenena faha-44

Traingo ny ati-doha mpanafika "taxi-brousse"

Tsy efa-niala tamin'ny barazy izay napetraky ny zandary teo Antsirinala-Moramanga ilay lehilahy voalaza fa ati-doha mpi-baiko ireo jiolahy amin'ny fanendahana mpandeha amin'ny lalampirenena faha-44 iny. Voalaza fa hatry ny ela no nikarohan'ny mpitandro ny filaminana an'ity lehilahy ity, ka araka ny fanangonan-baovao tsy miato nataon'ny zandary, dia izao no-dy ventiny izao ny asa nataon'izy ireo. Handeha taxi-brousse hiakatra ho aty Antananarivo any any. Ambatondrazaka ny lehilahy, no sendran'ny barazy izay efa napetraky ny mpitandro ny filaminana. Tsy nampono izany rahateo ity jiolahy, izay nipetraka tsara tao anaty fiara, ary dia noraisim-potsiny. Efa natolotra ny fisanarana moa ny lehilahy, ary notanana am-ponja vonjimaika miandry ny fotoam-pitsarana azy.

Mba haina kely amin'izay izany ny mpandeha sy ny kaoperativa mihozo amin'ny lalampirenena faha-44 iny. Saika nahita faisana hatrany tokoa mantsy izy ireo amin'ny fanangonana mitam-piadiana ataon'ity lehiben-jiolahy ity. Tsy nijidy asiana ny zalahy tamin'izany, fa na fiaran'olon-tsotra, na fiara manao andriany, na antoandro io, na alina dia samy voaendaka avokoa ny mpandeha ao anatry. Vokatry ny asa ratsin'ity lehiben-jiolahy ity dia nisy mihitsy mpamily izay namoy ny ainy.

Na dia nampahory mpandeha maro aza, dia mba hisinda kely amin'izay izany ny horohoro sy tahotra nahazo ireo mpandeha amin'ny lalampirenena iny. Ny aza antoka mantsy, taorian'ny nahasamborana ny lehibery dia tsy maintsy ho voasambotra avokoa ireo ekipa niaraka tamin'ny.

A. J.

Malagasy any Amerika

Hiatrika fifaninanana



Izao no sary famantarana amin'ny lalao

Fantatra izany izao fa dia hotanterahina any Washington ny fihanonana ara-panatanjahan-tena ho an'ireo Malagasy (Rencontres Sportives Malagasy (RSM) monina sy mipetraka any Amerika avaratra (USA-Canada). Isan-taona dia ifan-dimbiasan'ny any ao Washington DC, New York, ary Canada ity lalao ity, ka amin'io taona ambony 2007, izany hoe ny volana jolay. Lalao ara-panatanjahan-tena efatra no hifaninana amin'izany dia ny Basket, Volley, baolina kitra, ary ny tsipry kanetibe.

Ho fanomanana ny fandaisana ny RSM 2007 sy ho famanarana ny taona 2006 dia fantatra fa mikarakara olim-pandihi-zana miavaka ho an'ny Malagasy sy naman'i Madagasikara ny zareo any Amerika avaratra. Izany moa dia voalaza fa atao ny alahady 31 desambra ao amin'ny Anastasi Room 5020 Battery lane Bethesda, MD 20814. Ny hetsika rehetra izay atao, dia ho eo ambany fiahian'ny Masoivohon'i Madagasikara Ingahy Rajaonarivory Narisoa sy ramatoa vadiny.

Andaingo

Misy mpanera ny taolam-paty

Olona 5 be izao no indray voasambotry ny zandary tao amin'ny borigadin'Amboasary. Ny iray amin'ireo dia voalaza fa irony antsoina hoe "démarcheur", na mpanera mpitady olona hividy taolam-paty, fa ny efitra kosa no mpamaky faisana. Raha ny vaovao voarazy, dia efa ho telo volana no nanaraha-maso ireo olon-dratsy ireo, satria nisy vaky faisana mateka tamin'ny faritra iny. Tra-tehaka tao Ambodirano Andaingo ihany anefa izy ireo, niaraka tamin'ny taolam-paty milajy 30 kiloa. Zanantany sy mponina ao an-toerana ihany izy ireo. Fantatra fa vokatry ny faraha-miasa teo amin'ny zandary sy ny andrimason-pokonolona ary ny tompon'andraikitra ny fokontany ao Andaingo no nahatratrana ireto olon-dratsy ireto.



Naneho ny heviny mikasika ny toe-draharaha mitranga teo amin'ny firenena amin'izao ny biroa politikan'ny antoko Akfm. Tao anatin'izy no nanipihan'izy ireo ny momba ireo fisanborana sy fanaovana savahao ny tranon'ny olom-pirenena samihafa taorian'ny latsa-bato. Na inona na inona anton'izany, hoy ny Akfm, dia mazava fa mbola fianohizana ny fanaovana ramatahara sy fampihoroana nokianin'ny maro, ary ireo olona momba ny raharaham-pitsarana tsy ara-drainy mbola tsy voavaha tamin'ireny

Fiokona

Manamboninahitra dimy karohina



Tao no niandoha ny raharaha

Kolonely isany : Ralaiko, Rakotomaronirina, Ramanantsalana, Boto Laurent, Rakotoarisoa Joie Hans ary ny Kapiteny Lalaina. Isan'ireo manamboninahitra izay namoahan'ny fisanara didy fampisamborana araka ny taratasy laharana 21 315/RP/06 izy ireo. Voatonona ho mpiara-dia tamin'ny Jeneraly Randrianafidisoa noho ny raharaha 17 novambra tokoa izy enindahy ireo, ka izao mbola hanaovan'ny mpitandro ny filaminana fisavana sy savahao etsy sy eroa izao. Antony enina

moe no voakilasy fa hanenjehina azy ireo dia ny hoe : fanohitohinana ny fitondram-panjakana, firidrana an-keriny sy fandrahanona ho faty, fiokona, fisanodham-pahafana ary vono olona. Efa voasambotra afak'omaly alina tetsy Ankadifotsy moa ny Jeneraly Fidy, ny sergent iray antsoina hoe : Mossey Bernard ihany koa efa nitolo-batana ny sabotsy teo, ka dia izy enin-dahy izany sisa tamin'izao raharaha izao no mbola ifampitadiavan'ny mpitandro ny filaminana.

Raha ny namberan'ny tompon'andraikitra ny mpitan-

dro ny filaminana iray, dia hoe didy fampisamborana iray ihany ny azy ireo sy ny Jeneraly Fidy fa tsy hoe didy vaovao akory.

Mahakasika ny Jeneraly Fidy manokana, hatramin'ny omaly dia tsy mihsahatra ny maka am-bavany azy ny tompon'andraikitra, izay notson-gaina manokana hisahana ny famotorana azy. Tsy mbola nisy moa ny resaka nipika ho amin'izany, fa saika nipetraka eo amin'ny siosion-dresaka hatrany no nahazoam-baovao.

Narilala

Anjevazoro - Anjozorobe

Afaka ireo nampangaina ho namono olona

Efa tamin'ny volana desambra 2004, ny alatsinainy nialoha ny krisimasy no nivoka ny tranon'ny lehilahy iray, mba hanatitra volamenan'olona sy haka fitaovam-piasana. Tsy niverina intsony anefa izy ka nandeha tany amin'ireo toerana nolazainy fa halehany ny vadiny nita-dy azy, saingy tsy nahita fa nody mainta. Tany amin'ny faha-9 janoary tany indray izy voa nahare fa nisy fatin'olon-tsy fantatra hitan'ny fokonolona ka nalévin'izy ireo. Rehefa nojereny moa dia fantany fa ilay vadiny izay tsy hita io maty io, ary nisy namono satria voakapakapa tamin'a zava-mararitana no nahafaty azy. Rehefa nandeha ny

fanadihadiana dia hita fa nisy tsy nifandraika ny filazan'ireo fianakavian'izay tokony ho nanaterany volamena. Nilaza mantsy aloha izy ireo fa tsy nandalo tany mihitsy ilay rangahy, azy eo dia niteny indray hoe teny ihany izy fa nandalo fotsiny ary azy eo dia lasa naka fitaovam-piasana. Misy marina ihany ny zavatra nolazainy, saingy toa mampieritreny ny fandavany tamin'izy ireo nanontanian'ily vadiny, fa avy eo vao nanaiky indray. Ankoatra izy dia hita tsy lavitra ny toeranompanan'izy ireo ihany koa ny tanpan'ny tongotr'ilay maty, izay nolazainy fa notaritiran'ny alika, nefa dia tany amin'ny 4 kilomaeta-

tra avy teo no nahitana ilay razana. Mbola teo ihany koa ny fahafantarantany izy ireo fa tsy hita ny vadiny mpitory, izay npanamboatra radio no asany, nefa raha nahita fatin'olona tsy fantatra izy ireo, izay niaraka tamin'a fitaovana fanamboarana radio, dia tsy nampandre ny vadiny izy efa nitady azy, na ny manampahafana. Tsy nisy porofo tena vaingana anefa na vavolombelona nijoro, ka napetraky ny fampanoavana tamin'ny fahendren'ny fisanarana ny raharaha, ka nolahafana noho ny fisalasalana izy ireo, raha efa tany am-ponja vonjy maika hatramin'ny 18 janoary 2005.

R. L.

Fisavana tranon

"Fanohizana ny ramatahara tamin'ny 2002"

Naneho ny heviny mikasika ny toe-draharaha mitranga teo amin'ny firenena amin'izao ny biroa politikan'ny antoko Akfm. Tao anatin'izy no nanipihan'izy ireo ny momba ireo fisanborana sy fanaovana savahao ny tranon'ny olom-pirenena samihafa taorian'ny latsa-bato. Na inona na inona anton'izany, hoy ny Akfm, dia mazava fa mbola fianohizana ny fanaovana ramatahara sy fampihoroana nokianin'ny maro, ary ireo olona momba ny raharaham-pitsarana tsy ara-drainy mbola tsy voavaha tamin'ireny

nanamberan'izy ireo an'izany moa ny filazana "ho fisian'ny fisolokiana lehibe sy tamin'ny fomba tsara rindra, izay natao tamin'ny vaton'ny tena mpifidy teny amin'ny fokontany samihafa, tamin'ny dalan'ny lisi-pifidianana".

Noho ireo indrindra dia niantso ireo olom-pirenena na nifidy na tsy afaka naneho izany ny Akfm mba hira-hisana lalina, ka hijoro sy tsy handefitra ho amin'ny fisavana ny tena ara-dalàna sy tena ara-drainy eo amin'ny fandan'ny fiaminan-pirenena.

Fandiripan-pahalemuna

Mihetsika ny pôlisy

Tovolahy vao 19 taona no voasambotry ny pôlisy avy ao amin'ny kaomisaria ny boriborintany faha-V, Mahamasina, tamin'ny talata faha-12 desambra teo. Teny Anosibe teny no nahatratran'ny pôlisy an'i Rasolofoniaina Rolland, izay monina eny Anosizato, mpibata entana no asany ary voarohirohy tamin'a resaka vaky tranon. Namany roa no niaraka tamin'ny Rolland namaky tranon fivarotana entamadinika teny Amparibe tamin'io talata io, tamin'ny 1 ora maraina, ka entana maro be toa ny vata fampangatsiahana, fahitalavitra, bodofotsy roa, mizana roa, kiraro, sakaosy ary zava-pisotro miisa fito. Nisy tsy zakan'ireo mpangalatra daholo anefa ireo entana ka nisy-nariany teny an-dalana. Teo anelanelan'ny Collège Saint Michel sy La Providence no nahitan'ireo pôlisy an'ireo entana nariany ka nahafahan'izy ireo nanara-dia ireo mpangalatra. Afaka nandositra ireo naman'i Rolland, fa izy ireo no tratra ka natolotra ny fampanoavana omaly rehefa nialiky ny heloka vitany.

Anosibe

Nisy nitry tao amin'ny kaomisarian'ny boriborintany faha-V ao Mahamasina i Armand Randrianarison, fa nanimba findain'olona nampamboarina. Rehefa nantsoina teny amin'ny kaomisaria anefa izy dia fantar'ireo pôlisy fa gadra nandositra an'ireo ireo tadiavina. Tamin'ny faha-6 novambra 2006 no nandositry ny forjan'Antanimora, fa voaheloha 5 taona an-tranomazina izy io tamin'ny 24 martsa 2004, noho ny raharaha « attentat à la poudre », ka tokony ho amin'ny 24 novambra 2007 vao mivoka. Tamin'ny faha-11 desambra izy io trantran'ny pôlisin'i Mahamasina teny Anosibe, ka natolotra ny fampanoavana omaly.

Cité 67 ha

Andro antoandro be amin'ny 1 ora no nangalanan'i Jean Baptiste Rafaralazy teny amin'ny 67 ha tamin'ny alatsinainy faha-11 desambra teo. Efa nihaodihaody teo amin'ny toerana hangalarany izy io, ary nandrasany tsara ho tapitra tafavaoka avokoa ny olona rehetra tao amin'ily tranon, dia iny izy no nihoatra ny tambaho, niditra tao anaty fefin'olona. Diso tetika ihany anefa izy io satria tsy lasa lavitra ny iray tao an-trano fa niverina vetivety, ka izy handeha handositra hihotra ny tambaho no nifanefana tamin'ily tompon-trano. Rehefa nosavaina ny teny aminy dia nahitana « disjoncteur » roa sy « tourne vis » telo. Avy hatrany dia noentina teny amin'ny kaomisarian'ny boriborintany faha-7 iny, ary nialiky rehefa nalaina am-bavany. Omaly ihany koa izy no natolotra ny fampanoavana.

Nangonin'i R. L.